

SCRIPTA

Numéro Scripta : 5328

Auteur(s) : Thomas Hugues, du Theil [particulier]

Bénéficiaire(s) : Coutances (chapitre cathédral)

Genre d'acte : charte

Authenticité : non suspect

Datation : 1292

Action juridique : vente

Langue du texte : latin

Analyse

Thomas Hugo, de la paroisse du Theil, vend au chapitre de Coutances pour quatre livres et quatre sous tournois, une rente de sept sous sur un manage qu'il tient des chanoines. Le chapitre aura droit de juridiction pour cette rente sur la mesure.

Tableau de la tradition

Éditions principales

a. Fontanel Julie, *Le cartulaire du chapitre cathédral de Coutances*, Saint-Lô, Archives départementales de la Manche (Sources inédites sur l'histoire du département de la Manche ; 1), 2003, n° 60, p. 174.

Texte établi d'après a

Sciant presentes et futuri quod ego, Thomas Hugonis, de parrochia de Tilia, vendidi et venditionis nomine concessi viris venerabilibus capitulo Constantiensis ecclesie septem solidos annui et quieti redditus de moneta currenti pro quatuor libris et quatuor solidis tur., quos denarios ob hoc michi dederunt idem capitulum, de quibus me teneo propagatus ; tenendum et percipiendum quolibet anno predictum redditum eidem capitulo et jure hereditario possidendum, videlicet super masnagium quod teneo ab eisdem, situm in dicta parrochia de Tilya, et jungit ex uno latere ad masnagium Guillelmi Hugonis et ex alio ad masnagium Radulphi Hugonis, et butat ex uno capite ad fontem de Tylia et ex alio versus boscum, quod quidem masnagium continet quinque virgatas terre vel eo circa, bene et pacifice, libere et quiete, sine contradictione mei vel heredum meorum decetero facienda ; et tenemur ego et heredes mei predictum redditum liberare, reddere, defendere et garantizare, vel alibi in mea propria hereditate excambiare valore ad valorem predicto capitulo, si necesse fuerit, pro precio supradicto et poterunt iidem capitulum super dicto masnagio pro predicto redditu, quocienscumque sibi necesse fuerit, suam plenariam justiciam exercere ; et juravi ad sancta Dei evangelia quod contra predictam venditionem istam decetero non veniam ullo modo, obligando quoad hoc me et heredes meos et omnia bona mea et heredum meorum mobilia et immobilia, presentia et futura, specialiter et expresse renunciavique omni exceptioni doli mali, fori, facti, venditionis non facte, precii non habiti, deceptionis et lesionis et aliis universis. Et ut hec venditio a me facta rata et stabilis permaneat in futurum, predictis capitulo dedi presentem cartam sigilli mei munimine roboratam. Datum anno Domini M° CC ° nonagesimo secundo, die [...].